

Publicaziuns officialas dils 7 da fevrer 2025

Vischnaunca Trun

Votaziun federala e communal

L'urna principala en canzlia communal ei aviarta sco suonda:

Gievgia,	ils 06-02-2025,	09.30 – 11.30,	15.30 – 17.30
Venderdis,	ils 07-02-2025,	09.30 – 11.30,	15.30 – 17.00
Dumengia,	ils 09-02-2025,	09.00 – 10.30	

La documentaziun da votar duess mintga votant/a haver obteniu. Cass cuntrari san ins s'annunziar immediatamein, denton il pli tard entochen venderdis, ils 7 da fevrer 2025 allas 17.00 tier l'administraziun communal (tel. 081 920 20 40).

Levgiament da votar

Mintga votant/a ha la pussevkladad da dar giu sia vusch a scret. En gliez mument sto el/la observar il suandont:

1. Emplenir ora ils cedels da votar a maun e metter quels en la cuviarta da votar grischa e serrar giu ella.
2. Metter la cuviarta da votar grischa ensemen cun il certificat dil dretg da votar suttascret en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (gratuitamein) ni directamein fierer en la scaffa da brevs dalla canzlia communal.

Ils cedels da votar ston esser il pli tard la dumengia, ils 9 da fevrer 2025 allas 10.30 tier l'administraziun communal.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communal

In GIE pil campadi a Trun

Ils meins ch'il campadi ei frequentaus bein ei era la sviulta da nossa stizun in bien ton pli aulta. Turists dil di sco era possessurs da rulottas fan cumissiuns tier nus e consumeschan zatgei ellas ustrias dil vitg. Pil prosperar da nossas stizuns e fatschentas – lein mantener quella purschida turistica el vitg e metter in GIE ell'urna per la votaziun da dumengia.

Commembras e commembers dalla suprastonza dall'Associaziun da consum Zignau e contuorn

Lenna da brisch

Empustaziuns per lenna da brisch san vegnir fatgas tier il selvicultur da revier entochen ils 28 da mars (e-mail: carlo.monon@trun.ch, tel. 081 920 20 46 / mobile 078 729 73 84)

Prezis:

pégn	55.– frs / m3
lenna da feglia	95.– frs / m3

La lenna vegn surdada en fuorma liunga sin nos plaz da lenna naven dils 1 d'avrel 2025. Sin giavisch porscha la gruppa dil menaschi technic era ulteriurs survetschs sco:

- resgiar la lenna
- transports tochen avon casa
- pinar lenna da brisch en uauls privats

Ils cuosts che seresultan cun luvrar si e transportar la lenna vegnan quintai supplementarmein.

Uffeci forestal Trun

Uniun da dunnas Trun/Zignau

Suentermiezdi creativ

Temps d'esser creativs en cumpignia! Nus s'entupein **mesjamna, ils 12 da fevrer 2025**, allas 14.00 en scola Trun cun nos projects, giugs ni per star da cumpignia.

Tgi che sa buc organisar sezza in taxi sa s'annunziar tochen dus dis avon tier Manuela Schwarz (tel. 077 406 21 08). L'Uniun da dunnas envida cordialmein e selegra sche Ti eis era dalla partida!